

1^u de Mayo 2020

“Agora más que nunca **Escontra les Desigualdaes Sociales**”

El 1^u de Mayu, **día Internacional de la Clase Trabajadora**, pasó por munches vicisitúes desque, aquel llonxanu 1886, los mártires de Chicago salieren a la cai siendo masacraos pola policía, pa reivindicar un drechu que güei vemos como inrenunciabile, la defensa de la xornada llaboral de 8 hores.

Esti añu nun vamos poder salir a les cais coles nuses reivindicaciones pola mor del Estáu d'Alarma, pero ello nun tien de ser torga pa que les nuses ideas y los nuses pruyimientos lleguen a la ciudadanía.

Esti 1^u de Mayu ye necesario glayar altu y claru el fracasu del capitalismu y de les midíes neolliberales aplicaes polos socesivos gobiernos, la crisis del COVID-19 púnxolo de manifestu de manera incontestable. El nusu compromisu con **unos servicios públicos de calidá, universales y gratuitos**, asina como **recuperar les empreses y medios de producción regalaos a manes privaes**, tien d'animar el nusu compromisu y les nuses reivindicaciones. Por supuestu tamién, **la llucha escontra'l cambéu climáticu y la llucha pola l'igualdá ente muyeres y homes y escontra les violencies machistes**.

La defensa firme de la **Sanidá pública**, la **Educación pública**, el drechu a la **Movilidad**, al **Tresporte públicu**, les actuaciones pa l'**atención a les persones Dependientes**, la **derogación de toles Reformes llaborales**, el drechu a los **Cuidos**, la necesidá de consiguir una **Renta Básica de les Iguales (REBis)**, garantizando les necesidaes vitales de la población, pa que l'emplegu nun sía una condena sinón una opción, la **Cohesión Territorial**, pa dar soluciones riales a la llamada "**España balerada**", les persones **Migrantes**, les que muerren nel intentu y les que son "muertos y muertes en vida" pola sobresplotación y la so invisibilidad como "ciudadanes", a les persones **Mozes ensin futuru**, la necesidá de **combatir la represión** que l'estáu exerce al traviés de les sos **Lleis Mordaza**, unes **Pensiones públiques dignes y suficientes**, ect..., son retos a consiguir por toes y pa toes.

Ye incuestionable que la llucha na cai ye la única ferramienta cola que vraeramente contamos a la hora d'enfrentanos a les graves inxusticies que venimos sufriendo, tenemos de revitalizar la llucha na cai, agora que suenen nuevamente trompetes qu'agoren una gran recesión. **Nun podemos permitinos el luxu de que los escesos incontrolables del capital vuelvan recayer enriba los costazos de la clase trabajadora.**

Por eso agora más que nunca:

VIVA LA LUCHA DE LA CLASE OBRERA - VIVA EL 1º DE MAYO